



Potpredsjednik

Vice-President

Broj: 02-11-14-238-18/21
Sarajevo, 08.11.2021.

Na osnovu člana 70. st. (4) i (6) Zakona o javnim nabavkama ("Sl. glasnik BiH", broj: 39/14) d o n o s i m

ODLUKU

O poništenju dijela Odluke o direktnom sporazumu

Član 1.

U Odluci o direktnom sporazumu broj: 02-11-14-238-16/21 od 18.10.2021. godine poništava se dio koji se odnosi na nabavku 4 zimske gume dimenzija 235/40 R19, marke Continental, u iznosu od 1.436,52 KM bez PDV-a.

Član 2.

Ova Odluka će se objaviti na internet stranici Kabineta potpredsjednika Federacije BiH – 1102.

Član 3.

Ova Odluka stupa na snagu danom donošenja.

OBRAZLOŽENJE

Kabinet potpredsjednika Federacije BiH uputio je 12. oktobra o.g. Zahtjev za ponudu vezano za nabavku 8 komada zimskih guma za potrebe službenih automobila Kabineta potpredsjednika FBiH (Audi A6 i Passat). Zahtjev je upućen na 4 adrese.

Zaprimili smo 3 ponude od kojih je kao najpovoljnija izabrana ona koju je dostavila firma Porsche Inter auto BH d.o.o. i gdje je navedeno da je rok isporuke cca 5-7 dana. Donesena je Odluka o direktnom sporazumu 18.10.2021. i odabrani ponuđač je obaviješten o istom.

Dana 28. oktobra o.g. obaviješteni smo, usmeno, da su gume za vozilo Audi A6 stigle i da se mogu montirati na vozilo, a da će gume za Passat kasniti.

Nakon usmenog poziva i upita sa naše strane, 8. novembra o.g. obaviješteni smo putem email-a od strane firme Porsche Inter auto BH d.o.o. da gume za automobil Passat mogu biti spremne za montiranje tek iza 23. novembra o.g.

Obzirom da je zakonska obaveza korištenje zimske opreme (zimskih guma) od 01. novembra, da je kašnjenje u isporuci bilo više od navedenih 5-7 dana, donesena je Odluka kao u dispozitivu.



Potpredsjednik
Federacije Bosne i Hercegovine

Melka MAHMUTBEGOVIĆ

Dostavljeno:

1. Porsche Inter Auto BH d.o.o. Sarajevo
2. Odjel za Opće, zajedničke i finansijske poslove
3. Arhiva